




Պ Ա Շ Տ Օ Ն Ա Կ Ա Ն

ԳԵՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍԱՆԵԼԻ
Կամօֆն Աստուծոյ Եպիսկոպոսապէս եւ Կաթողիկոս
Ամենայն Հայոց Ծայրագոյն Պատրիարք Համագրգական
Նախամեծար Աթոռոյ Արարատեան Առաքելական Մայր
Եկեղեցւոյ Սրբոյ Կաթողիկէ Էջմիածնի Ամենապատիւ
Պատրիարքի Հայոց Թիարֆիոյ Տ. Զաւէն Արքեպիսկոպոսի,
հարազատ որդւոյ Մայր Աթոռոյս ողջոյն եւ օրհնութիւն
Հայրապետական:

Յանցելում 1912 ամի, յետ օրհնութեան Սրբալոյս
Միւռոնի, գերապատիւ անդամք Սինօղի ս. Էջմիածնի
և Առաջնորդք Թեմօրէից Հայոց Ռուսիոյ հրամանաւ Մե-
րով համախմբեցան ի ժողով առ ի խորհել զբարւոք տըն-
տեպութենէ Հայաստանեայց ս. եկեղեցւոյս: Յուլթներորդ
գումարման իւրեանց, ընդ այլ կարևոր իրս, անհրաժեշտ
համարեալ զընդարձակումն աւուրց պսակադրութեան յըն-
թացս տարւոյս, խնդրեցին ի Մէնջ գտնօրէնութիւն վասն
այսր կարևոր խնդրոյ: Եւ մեր ոչինչ մասն հաւատոյ կամ

դաւանութեան տեսեալ յընդարձակման աւուրց պսակա-
դրութեան և ըստ ամենայնի հաճ և հաւան գտեալ ընդ
այսպիսի միաձայն եզրակացութիւն Տեարց Սինօդականաց
և Առաջնորդաց, անհրաժեշտ վարկաք տալ ընթացս խընդ-
րոյս և յ9 մայիսի տարւոյս ընդ համարաւ 748 Կոնդա-
կաւ Մերով յանձն արարաք Ամենապատիւ նախորդ Պատ-
րիարքին Տ. Յովհաննու Արքեպիսկոպոս Արշարունւոյ՝
քննել զայս լուրջ խնդիր ի Կրօնական ժողովի պատրիար-
քութեանդ ընդ բարձրաստիճան եկեղեցականս Հայոց Կ.
Պօլսոյ և զկարծիս և զեզրակացութիւն ժողովոյն առաջի
առնել Մեզ:

Սոհականութեամբ քննեալ նոցա զամենայն հանգա-
մանս, ներկայացուցին Մեզ գտեսութիւնս և զեզրակա-
ցութիւնս իւրեանց յ7 օգոստոսի տարւոյս ընդ համարաւ
14 գրութեամբ: Եւ Մեր ի քնին առեալ զամենայն խոր-
հրդածութիւնս Կրօնական ժողովոյ և բարձրաստիճան
եկեղեցականաց Հայոց Կ. Պօլսոյ, Սինօդականաց և Առաջ-
նորդաց, այսու Հայրապետական Կոնդակաւ Մերով կար-
գադրեմք և պատուիրեմք չկատարել զխորհուրդ պսակի
միմիայն ի յետագայ աւուրս.

Ա. Յամենայն կիւրակէս.

Բ. Յամենայն չորեքշաբթիս և յուրբաթս.

Գ. Յաւուրս մեռելոցի հնգից տաղաւարաց.

Դ. Ի տօնս ծննդեան և Անուանակոչութեան Տեառն,
Տեառնընդառաջի, Աւետեաց և Համբարձման.

Ե. Յաւուրս Մեծի պահոց և յառաջին եօթնեկին
զատկական աւուրց՝ ի Բարեկենդանէ մինչև ցերկուշաբթի
օր Նորոյ կիւրակէի.

Զ. Ի հնգեսին աւուրս շաբաթապահոց Առաջաւորաց,
Վարդավառի, Վերափոխման, Խաչվերացի, Յիսնակաց և
Ծննդեան:

Ըստ այսմ՝ թոյլատրեմք յետ այսորիկ կատարել
զպսակս ի հետագայ աւուրս, ի բաց առեալ զվերոյիշեալ
արգելեալ աւուրս.

Ա. Յութօրէս տօնի Աստուածայայտնութեան, յՑ. էն
յունուարի ց12.

Բ. Ի 14-էն յունուարի ցճարեկենդան Առաջաւորաց պահոց.

Գ. Ի շաբաթ օրէ Առաջաւորաց ցճուն Բարեկենդան.

Դ. Յաւուրս Յինանց, սկսեալ ի նոր-կիւրակէէն ցճարեկենդան Վարդավառի.

Ե. Յերեքշաբթի օրէ զկնի Վարդավառին ցճարեկենդան Վերափոխման ս. Աստուածածնի.

Զ. Յերեքշաբթի օրէ զկնի Վերափոխման ցճարեկենդան Խաչմերացի.

Է. Յերեքշաբթի օրէ զկնի Խաչմերացին ցճարեկենդան պահոց Յիսնակի.

Ը. Յերկուշաբթի օրէ զկնի Յիսնակին ցճարեկենդան պահոց ս. Ծննդեան.

Համարելով զսկիզբն եկեղեցական աւուր զկնի երեկոյեան ժամերգութեան, ի կիւրակէ և յայլ արգելեալ աւուրս, զկնի երեկոյեան ժամերգութեան, մարթ է դնել պսակ, յորժամ հետևի օր ներելի վասն պսակի:

Արդ՝ յանձն առնեմք և առաջադրեմք Ամենապատուութեան Զերում և Կրօնական Ժողովոյ՝ փութով առնել զշրջաբերական կարգադրութիւնս ըստ մտաց Կոնդակիս յանուն Առաջնորդաց, պատուիրելով ամենեցուն յետ այսորիկ ընթանալ համաձայն Հայրապետական կարգադրութեանս:

Ողջ լերուք, զօրացեալ շնորհօք Ս. Հոգւոյն և օրհնեալ ի մէնջ. Ամէն:

Ի 26 Հոկտեմբերի 1913 ամի

Ըստ Տօմարիս ՌՅԿԲ

Ի Հայրապետութեան Մերում Բ. ամի

Ի Վաղարշապատ

թ. 1656

Ի նոյն միտս Սինօղի ս. Էջմիածնի և ամենայն Առաջնորդաց Հայոց Ռուսաստանի, Պարսկաստանի, Եւրոպիոյ և Ամերիկայի, թ. թ. 1657—1667.